

# Efésio anuabu Paulõ hatu kene bumanikiaki EFÉSIOS

---

**Paulõ hatukiri xinānikiaki, na hātẓarã**

**1** <sup>1</sup>Ea ẽ Paulorã, Deusũ hawẽ xinãnẽ Jesus Cristõ hawẽ kuxipaya ea wakĩ ea katuniwẽ taeshũ tsuabura Éfeso mae ewapa anuabu Deusũ hawenabu meribi matu wani mã habũ ikũwaĩ Jesus Cristobe ketashamei mã haki dasia xinākĩ ẽ hātẓa ẽ matu bumai uĩrakãwẽ. <sup>2</sup>Nukũ Epa Deus inũ nukũ Shanẽ Ibu Jesus Cristõ hau matu unãnuma hiwemakĩ pewakĩ duawapakekubainũbũwẽ.

**Deusũ Jesuswẽ nuku duawakubainikiaki, na hātẓarã**

<sup>3</sup>Nukũ Shanẽ Ibu Jesus Cristõ Epa Deus kẽwãkubainãkãwẽ, Deusũ bake Cristo nũ ikũwaĩbuwẽ taeshũ naiurishũ hawẽ pepawẽ nuku manakukĩ Deusũ hawẽ bakewẽ hamapai tibi pepa nũ uĩãĩ inũ nũ uĩyama hawẽ xinã txākãmati yushĩ nuku inãkubainaiwẽ taeshunã. <sup>4</sup>Deusũ Cristowẽ taeshũ nuku katunũbarikatsi mai damiwariama haska xināniki. Haskakẽ hawẽ besuuri nũ txakabuma pe besti nia nuku uĩnũbarikatsi iniki. Nuku abui nukuwẽ nuikĩ <sup>5</sup>nuku mebikinãshũ hawenabu nuku washanũ, iwanã, bebũkiri Jesus Cristowẽ hawẽ bakebu nuku wakatsi hawẽ duapawẽ nuku katuniki, hawẽ xinã nuku inã nũ ikũwãshanũbunã. <sup>6</sup>Haska nuku wakinã, Deus duapahaira nũ hawẽ kẽwãpakeshanũbũ nuku haska waniki, hawẽ bake abuniwẽ nukuri hawẽ duawanũ ishunã. <sup>7</sup>Haskakẽ Jesus mawakĩ hawẽ himi habaniwẽ taeshũ Deus nuku daewashũkĩ nukũ txakabu ana xinãma buaniki, hawẽ xinã duapa nũ haya tsuã beshtetiruma hawẽ taeshũ nuku mekekinã. <sup>8</sup>Deusũ nuku haska wakinã, dasibi binuatũ nuku unãnepa wakĩ haska nuku pe nĩkanika wakĩ hawa yauxiama Deusũ nuku ashuniki. <sup>9</sup>Cristowẽ nukũ txakabu buakatsi bari itxapa hawẽ xinã Deusũ hunenishũ hawẽ duapawẽ ma shabakabi nuku tashnimashuniki,

nuku unāmakinã. <sup>10</sup>Deusū hanu menenūbarikatsi haska bebūkiri yubakani kaneama aniki. Haskawē taeshū Deusū Cristo shanē ibuwani ha mekemakī keyushū yunumakatsi dasibi nai anua inū mai anua haki dasiwatã tsumamashanikiki, Deusū hatu itxawanūbariaitianã.

<sup>11</sup>Haska wanūbarikatsi Deusū bebūkiri Cristowē nū judeubu dukū nuku katuniki, haska Deusū hamebi xinaī keskawē nuku duawaya nū hawenabu ipakeshanūbunã. <sup>12</sup>Deusū nuku dukū katukinã, ha dukū nukū xinãwē Cristo nū manashanūbū nukukiri xinãmati waniki, haskawē taeshū dasibibū hawē kuxipa pepa nū kēwākubaīshanūbunã. <sup>13</sup>Cristowē taea mā judeubuma dikabitū hawē hātxa txanima Deusū bake Jesus mekenākiri kakape nīkatã ikūwaību hawē nuku tibi unāti wati yubanishū hawē Yushī Pepa nuku inātã ha dabe hawenabu nuku inū matu warianiki. <sup>14</sup>Deusū hawē Yushī Pepa matu inākī haska bebūkiri matu yubakī nai anu habe matu hiwemakatsi matuki tanani hawē unāti mā ma hayaki, hawē Yushī Peparã. Haskakē hawatiãra nuku meneshūkī hawenabu nuku wanishū nuku shabakabi bepēshū uimashanaiwē taeshū dasibibū Deusū kuxipa pepa kēwākubainākawē.

**Hau Deus unāhairanūbū ikūwaībukiri Deusū kuxipa  
Paulō hatu yukashunikiaki, na hātcharã**

<sup>15</sup>Haskakē nukū Shanē Ibu Jesus mā ikūwaī inū mā dasibi Jesusunabu meribibu mā hawenabu mā nuinameaibu eã haska ē matukiri xinaī. <sup>16</sup>Hawa matukiri hakimama Deus dayuikī matu yukashūkī heneama matuwē taeshū Deus ē kēwākubaīmiski. <sup>17</sup>Haska inū, nukū Shanē Ibu Jesus Cristō Epa Deus nū kēwāmis ē matu yukashūmiski, hau hawē Yushīnī ana matu nīkamakī unānepawakī matu merāshū hau txanima kayabi Deus matu unāhairamanunã. <sup>18</sup>Deus matu yukashūkinã, Deusū hau matū xinã hunemawatã shabakabi nīkamakī manakamanū inū, hau tsuabura hawenabu kayabi katutã hawē pepawē duahairawakī matu unāmashanū ē matu yukashūmiski. <sup>19</sup>Ha dikabi Deus matu yukashūkī haska hawē kuxipa binu keyua keyuisma nū ikūwaību nuku merabewamis mā unānūbū Deus ē matu yukashūriakubainai. Ha kuxipa Deus hamebi hayarã, haska dasibi watiru haya nuku unāmakī <sup>20</sup>Cristo mawabiakē Deus kuxipahairatū ana bestēwātã nai anu hawē yusiuri tsaumaniki. <sup>21</sup>Hawē bake kuxipahaira ha kaya watã hanushū shanē ibu kuxipabu inū beshmasbu dasibi maemamatã, na habiatĩã inū betsatiã iriamarã, dasibibu Deusū Jesus hawē kuxipawē hatu <sup>22</sup>babu watã mekemaniki, hamapai betsa betsaparã. Hanushū Deusū Cristo ha ikūwaību hawē shanē ibuhaira hatu washuniki, ha hatū bushka wakinã. <sup>23</sup>Nū Cristo ikūwaību dasibirã, nū Cristō yuraki. Hawara nuku merabewatiru nū yuka hawa yauxiama nuku ināmiski, hamapai xarabu dasibi tsumakī mekeshunã.

**Deusū Cristowē nuku hawenabu wamiskiaki, na hātẓarā**

**2** <sup>1</sup>Uatiā matu hiwearā, txakabu betsa betsapa aki Deusuma pashka mawawē datei mā hiwenibuki, <sup>2</sup>na mai anushū yura txakabubū akai txibaī yushī txakabu shanē ibū shaba natukā anu nishū hawē xinānē hatu yunuaitū habū benimawai keskai xinākī Deus nīkakī txibāmarā. <sup>3</sup>Haskawē taea uatiā nukubu nū hiwea habiaskasri nū iyunibuki, nukū xinānē txakabu abukī txibaī hiwea kemu pae tibi nukū yurā yunuai xinaī ha ashūkī meneirā. Haskawē taea hawē nuiti nukukiri nū hayamakē txanima Deusū nuku kupitiru nū inibuki, betsabū ikūwāma ikaibu keskairā. <sup>4</sup>Hakia Deus nui heneisma nukuwē nuitxakayamakī nuku duahairawakī <sup>5</sup>nukū txakabū nuku beshea nū mawa keskabiakē Cristo Deusū yunua huni mawa ana bestēwātā hawē taeshū nuku hiwea ināniki. Hawē pepawē taeshū Deusū matū txakabu buanikē hanushū matū mā ma mekea biaki. <sup>6</sup>Haskakinā, nū Jesus Cristo ikūwākī txibaī ana mawabu keskama haki habe dasia nū ma besteni keska mai anu nū hiweyuabu nai anu ha dapi nū ma tsauwa keskabuki. <sup>7</sup>Haska wanūbarikatsi hawē pepa nuku unāmakatsi ikinā, Jesus Cristowē taea nukuwē nui kai nuku ashuniki. <sup>8</sup>Hiwekuia bikinā, nū hawawē ibubis nukū kupiti bi pashatirumabiakē Jesus nuku mawashuni nū ha ikūwākubainaiwē taeshū Deus pepahairatū nuku duawakī nuku ināni ikūwai nū ma mekeaki. <sup>9</sup>Haska nuku waya hawara pepa tibi aki nū imiswē ha xinaī nū kētirumaki. <sup>10</sup>Deusū haska nukukiri xinākī hatū nuku damiwakinā, hawē bake Jesus Cristoki dasitā hawenabū hawē daya pepa inū hawē bai pepa txibākī ashūi nū hiweyukubaīshanūbū Deusū bebūkiri nuku katukī pewaniki.

**Jesusunā, yura shukua bestitẓai wanū ika hunikiaki, na hātẓarā**

<sup>11</sup>Haskakē mā judeubuma ha judeubū hatū hina kubitẓi meshtemisbu matukiri hātẓakī: “Deus yubakani hayama habū hatū hina kubitẓi meshteabumarā, nukunabumaki”, iki ibubiskiri hātẓakī: “Deusū yubani txibākī nukū hina kubitẓi nū meshtemis nū Deusunabuki”, iki hātẓariakanikiki. <sup>12</sup>Uatiā matu hiwearā, Cristouma inū, Israelbube danānanaī inū, hawa Deusū hatu yubakī matu yubama iniki. Haska mā hiwea iyuniki, xinākāwē. Haskawē taea Deus unāma inū hawa manakati pepa hayama na mai anu mā hiwepauniki. <sup>13</sup>Uatiā Deuski mā kematiruma iniki. Hakia natiā Jesus Cristo mawakī hawē himi habawaniwē natiā txai mā ibiani mā ma ha dapiki. <sup>14</sup>Cristorā, ha besti nukū unānuma hiwemanikaki. Ha Cristōnā, nū judeubu inū mā judeubuma habias hawenabu wakatsi ikī haskawē taea nū danānanaī pashka hiwemisbu ha kene Templo anua hawē kenekī kebēnibu keska hawē yurawē ha kene kebēnibu keska yamawakī ana xinātima waniki,

nũ ana sinatanameyamashanũbunã. <sup>15</sup>Deusũ Moisés yunua hawẽ hãtxa kenekĩ hawẽ yunuti inũ hawẽ nemati haska txibaĩ nũ danãnanãrabei hiweshũ xinaĩ nũ ibiakubaĩmisbũ ana nuku haska hiwemakatsi ikama natiã yura shuku dabe wama hawenabu bestitxai keska nuku waniki, yura bena nuku wakinã, nũ judeubu inũ mã judeubumarã. Haska wakĩ nuku unãnuma hiwetiwaniki. <sup>16</sup>Cristo hamebi haska nuku dasi wakatsi meneirã, nũ ha shuku dabe sinatai nũ danãnanãrabei hiwemis Cristo cruzkia mawakĩ Deus nukuki sinatai nuku ha dabe daewashuniki, nũ judeubu inũ mã judeubumarã. Nuku haska wakĩ nuku yura bestitxai keska waniki.

<sup>17</sup>Cristõ hawẽ kaka pepa bei huginã, unãnumati beniki, mã judeubuma mã txaihaira Deusuma hiweabukiri inũ nũ judeubũ Deuskiri txaima unãbiakĩ nũ ikũwaĩsma nuku yusĩ pewakĩ merabewairã. <sup>18</sup>Natiã Cristowẽ taeshũ judeubu inũ judeubumãri habias Yushĩ Pepawẽ Deus beyawai nũ haki kematirubuki. <sup>19</sup>Haska inũ, uatiã Deuskiri unãma hariri mã xinãma ibiani natiã haska Deusũ nuku yubani ikũwaĩ nũ hayabu matuburi mã Deusbe haibunametirubuki, haska judeubũ Jesus ikũwaĩ keskai mã ma Deusũ enaburiki. <sup>20</sup>Haskakẽ mã ikũwaĩbu dasibirã, mã mixki hiwe keskabuki. Habu dukũtũ mixki hiwe wakatsi bepushkĩ buyamisbu keskarã, Jesusũ kuxipayabu inũ hawẽ hãtxa yuishunikabũ yusĩkĩ Jesus Cristokiri besti akaibu txanima Cristo hamebi hawẽ mestẽwãti kayabiki, mixki ewapa maratãshũ tsamikĩ mestẽwãmisbu keskarã. <sup>21</sup>Habu dasibitũ nũ Cristo ikũwaĩburã, mixki hiwe wakĩ benibaĩmisbu keskaki. Mixki tibi tsamabaĩmisbu keska wakĩ nukũ Shanẽ Ibuki yura betsa betsapabube husiakeakekaikĩ Templo meribi nũ hiwe wakeakekanaii. <sup>22</sup>Ha dikabi maturã, Deusũ Yushĩ Pepa mã haya Cristoki dasiarã, mã hawẽ kẽwãti Templo keska Deus matube hiweikiki.

**Deusũ hawẽ yubaka pepa huneni Paulõ hatu  
shabakabi yuinikiaki, na hãtxarã**

**3** <sup>1</sup>Jesusũ ea yunua mã judeubuma Jesus Cristokiri ẽ matu yusĩayã matuwẽ taeshũ ẽ hawamabiakẽ nenu ea nitxĩmashũ mekeyuabuki. <sup>2</sup>Hakia Deus matuwẽ nuikĩ hawẽ kakape ea matu yusĩmaimarã, haskakiri ẽ ikairã, mã daka unaĩ. <sup>3</sup>Haskakẽ hawẽ xinã hunea Jesus Cristokiri ea shabakabi unãmani eskarabes ẽ dama matu keneshũshu <sup>4</sup>uĩkĩ hawara Deusũ xinã hunea Cristokiri ẽ ikai xinaĩ: “Txanimaki”, mã itirubuki. <sup>5</sup>Uatiã nũ hawa unãma inibuki. Hakia natiã Jesusũ kuxipaya meribibu inũ hawẽ hãtxa yuishunikabu habu hawẽ Yushĩ Pepawẽ Deusũ shabakabi ma hatu unãmayamaki. <sup>6</sup>Uatiã Deus yubakakĩ hunenirã, shabakabi matu yuinũ nĩkakãwẽ. Yurabu betsa betsapa tsuabũra Jesus Cristokiri kakape nĩkakĩ ikũwaĩbu Deusũ hiwekuã hatu inãkatsi ma hatu kenaikiki, habias yura inũ habias yubani Israelbube hawenabu ashanai keska wakinã. <sup>7</sup>Ha

haska waniwě taea Deus duapa ewě nuikī hawě kaka pepa ẽ yusīkubaunū ea yununiki, haska wakī hawě kuxipahaira ea ūmakinā.

<sup>8</sup>Hamě ẽ ikairā, Cristo txibaību meranua ẽ beshmashaira hawamabiakě haskaraki watā Deusū ea benimawakī duawakī hau hawě bake Cristokiri hawě pepa betsa betsapa hayawě nuku pehaira mekekubaītiru matu judeubumaki ẽ txanikūkaīshanū ea katutā nitxīniki. <sup>9</sup>Deus dasibi damiwanitū hawě xinā meribi bari itxapa hunenitū ẽ matu dasibi unāmanū haska shabakabi wakatsis ikī Deusū matu anu ea yununiki. <sup>10</sup>Hau haska Deus besti unānepatū unā keyuai yushī kuxipabu inū nai tsumabu nai anushū haska Deusū huneni natiā huni txakabubū hawě bake ikūwaībū Deusū hatu unāmakī hatu binumaikiki. <sup>11</sup>Hanushū mai damiwariama Deus ikibi ini yubakani anūbariai akinā, nukū Shanē Ibu Jesus Cristowě nuku ashuniki. <sup>12</sup>Cristō nuku haska washunikē hawa ana dateama haki txiti itā ikūwaī kematā nū yukatirubuki. <sup>13</sup>Haskakē kakape ẽ yusīkubaūmiswē taeshū ea bitxiabu matu merabewanū ika matuwē taea nuitapai ẽ bika teneaii. Hakia ekiri xinaī punu nukama benima bestikubaīkāwē, ewē taeshū Deusū matu duawaiwē taearā.

**Cristo ikūwaību hau txītūyamanūbū Paulō Deus  
hatu yukashūkubainikiaki, na hātcharā**

<sup>14</sup>Haskawě taea mā judeubumakiri nukū Epa Deus bebū dāti itā ẽ matu kuxipa yukashūmiski, <sup>15</sup>hatū dasibi hawenabu nai anua inū mai anua ma hatū kena haya mekearā. <sup>16</sup>Deus matu yukashūkinā, hau hawě xinā ewapa keyuisma matu anu yunukī hawě Yushī Pepawě matu kuxipa wakī hau matu mestēwāmakubainū ẽ matu ashūkubaīmiski. <sup>17</sup>Ha dikabi Cristo matube hiwea mā hayarā, hawě nui kayabiwē matu mestēwāma mā hawě ikūwaīnā, ha matū huīti merā xinākī hau mā txibākubainūbū ẽ matu yukashūriamiski. <sup>18</sup>Eskaki, matu yuinū nīkakāwē, Cristō nui kayabirā. Hashpahaira inū, txaipahaira inū, keyatapahaira inū, uke merā bismahaira keska tibi Cristō nui mā tapītirubuki, mā ha ikūwaībunā. <sup>19</sup>Haska hawě nui mā unaīnā, pesheixta besti hawě nui unākī haska hawě nui betsa betsapa meshti akī mā hawa tanatirubumaki. Deusū hawě kuxipa pepa haska tsuā bikī nū keyutirubumakiri mā unānūbū ẽ matu yukashūriamiski. <sup>20</sup>Haska inū, hamapai nū yukamis inū hamapai betsa betsapa nū xināriama inū nū yukariama hawě kuxipahairawē Deusū nuku ashūtiruwē taeshū niti ikama kēwanākāwē. <sup>21</sup>Jesus Cristo nū txibaību ikūwaī betsabubetā Deus kēwākī heneama duawakubainākāwē, niti ikamarā. Haskakirā.

**Jesusunabus mekei putanametimakiri hatu yusīnikiaki, na hātcharā**

**4** <sup>1</sup>Nenu eska ẽ bika tenei hiweyushū meairā, nukū Shanē Ibū ea yununi ẽ akubainaiwē taeshū ea atxitā ea mekeimashū ea heneabumakē hau

mã ikūwaĩbu Deusū matu kenani hiwei pepai haskakĩ mã unākubainũbũ ě matu yunuai xinaĩrakubaĩkãwẽ. <sup>2</sup>Eskairã, bebukaini keãma betsa binũama inũ, duapai betsabubũ abui inũ, hĩ hĩ ikĩ hawara bebũkiri anũ ika hawaira sinama ikūwaĩ betsabubũ nui uĩnanaĩ teneshũ uĩrakubaĩkãwẽ. <sup>3</sup>Ha Yushĩ Papatũ matu dasi waiwẽ taea unãnuma hiwei ikūwaĩ dasibibube putanameama haskas hiwekubaĩkãwẽ. <sup>4</sup>Maturã, habias yura matu wakatsis ikĩ Deusū matu kenanishũ habias Yushĩ Pepa matu inãtã hawẽ kuxipawẽ habias hiwekuĩa matu manakamaikiki, Jesus mã ikūwaĩburã. <sup>5</sup>Haskawẽ taea nũ Shanẽ Ibu bestitxai hayaki. Ha inũ, ha besti nũ ikūwaĩ inũ hawẽ besti xinã betsatã yura betsabubũ unãti wamanũ ika mã naxiakeakemisbuki. <sup>6</sup>Ha dikabi Deus bestitxairã, dasibi ikūwaĩbũ Epaki. Dasibi hawenabu shanẽ ibushũkĩ hawẽ kuxipa dasibi matu uĩmakubainikiki.

<sup>7</sup>Hanushũ nuku tibi duawakĩ hawẽ kuxipa nũ hayanũ nuku inãkatsis ikĩ Cristõ nuku tibi abukĩ inãpakeikiki, ha kuxipawẽ nũ dayanũbunã. <sup>8</sup>Haska Jesus shanẽ ibukĩ haki sinataĩbu binutã hawenabu pepa manakumiskiri Deusū hãtxa Davĩ kenenĩ yuikĩ:

“Habu binukĩ maematã iyuniki.

Hakia habũ txibãmisbu pepabu pepawẽ hatu manakumiski”, iniki. <sup>9</sup>Na inakainikiri kenekĩ haskararakiri Davĩ xinãkĩ yuini matu yuinũ nĩkakãwẽ. Messias Deusbe nai anu hiwea mai anu ha dukũ butui taeniki. <sup>10</sup>Ha dukũ habias butua ana hawẽri inakaini nenuma nai binutã haska huyama ana hawẽri hawẽ kuxipa haki dasi keyuniki. <sup>11</sup>Ha haska hamebi huyamashũ betsabubũ hawẽ kuxipayabu hatu wakĩ betsabubũ hawẽ hãtxa yuishunikabu hatu wakĩ betsabubũ hakiri kakape txanikubaunikabu hatu wakĩ betsabubũ yusĩnanaĩ mekenikabu hatu watã hatu yunuakeakebainiki. <sup>12</sup>Hatu haska wabaĩkĩ hawenabũ hawẽ daya tibi hau ashunũbũ hatu pewatã hatu yunubainiki, hau kuxipanamei haska Deusū abuai hakiri ana tapĩ Cristõ yurai nũ mestenepakubainũbunã. <sup>13</sup>Haskakũkaini dasibi putanameama ikūwaĩbuki dasitã Deusū bakekiri tapĩkubaĩkĩ Cristo ikũhairawai hawa xinã betsa wama Cristokiri unãnepai dasibubũ nũ itirubuki. <sup>14</sup>Haskakẽ ana bake mixtĩbũ xinaĩ keska ana hiweyamakubainãkãwẽ. Eskaki, matu yuinũ nĩkakãwẽ. Huni betsa betsapabũ bake mixtĩbũ beparanabu hawaira nĩkamisbuki. Nuku habiaskari wakĩ yura betsa paranãkĩ Deusū yusĩa kayabi txibãma yusĩa bena watã matu yusĩaĩbu hatu nĩkakĩ hatũ hãtxa ikũwãkĩ bake mixtĩbũ hamapai tibi txibaĩ imis keskai ana iyamakubainãkãwẽ. <sup>15</sup>Hakia abunamekĩ hãtxa kayabi yui nukũ Shanẽ Ibu Cristo keskai ewai hiweyukubainãkãwẽ, Cristo nukũ bushkakẽ haki dasi tsamitã nũ hawẽ yura ewawairã. <sup>16</sup>Hanua Cristo nukũ Shanẽ Ibutã taea dasibi ikūwaĩbu nuku dasiwa nuinamekĩ, ikūwaĩbu tibitũ daya betsa Deus ashuaĩbu inũ ikūwaĩbu dasibi merabewakĩ Cristowẽ taeshũ nukunabu dasibi mã hatu kuxipa wakubainai, nukũ pabu tibi ewai nũ kuxipamis keskakinã.

**Jesus ikūwaiburā, hiwea bena hayabukiaki, na hātstarā**

<sup>17</sup>Nukū Shanē Ibū kenawē eska ē matu yuikī yunuai ea nīkakāwē. Habū Deus unāma benuabu ikaibu keskai ana hiweyamakāwē, habū xinā txakabu benuawē haska hiwea unāma hamakiri kane kane akanikikirā. <sup>18</sup>Habu mexu merā nia keskashū xinā txakakī pe xinātirubuma unaīsmapabuki, haburā, hawa benima pae Deus anua huaiwē benimama haska hawa tapiāma unaīsmapa besti habu huīti kuxiburā. <sup>19</sup>Ana hawa dakeama txakabu hamapai atimapa tibi hawē yura inākī hawē kemuhairai huīti kuxi hiweabuki, tsua ibubis e ikamarā. <sup>20</sup>Hakia maturā, Messias Cristo ikūwākinā, habu hiwemisbu keskakī mā tapiāma iniki. <sup>21</sup>Haskawē taeshū bebūkiri Deusū Katuakiri hawē kakape ē matu yusīma haskai ha hiwenikiri tapīkī mā nīkaimarā, txanima Jesus anua ha besti yui kayaki. <sup>22</sup>Haskawē taeshū matubunā, matū hiwea sheni shabakabi yuikī txiterikāwē. Haska uatiā txakabui hiwekūkaikī txakabu betsa betsapawē kemukī ibubis parananaī mā ikūkainairā, putai beshterikāwē. <sup>23</sup>Matū xinā bena watā haska Deusū abukī matu katumai besti xinākāwē. <sup>24</sup>Matū hiwea bena tari bena sawea keskakī matū yushī bena wakī Deusū matu damiwani hawē Yushī keskarikāwē. Haska txakabu pashkatā meribikūkaini mā hiwea pepaswē txanima hātsta besti txibākubaīshanaii.

**Jesus ikūwā kayabirā, eskai mestētikiri Pauló yusīnikiaki, na hātstarā**

<sup>25</sup>Eskatianā, nū Jesus ikūwaiburā, nū yura bestitxai keskaki. Haskawē taea hawara yui mā hātshairā, ana txani txakai parananaī matunabube shabakabi yuinamekubaīkāwē. <sup>26</sup>Ha inū, maturā, tsuara mā sinatamisrā, ana hawē txakabu yamakāwē. Tsukira sinatabiatā ana manai hatishuīra bari txai tanama ushariama daenamekubaīkāwē. <sup>27</sup>Mā haskabumakē Satanāsā matu parākī kanematiruki. <sup>28</sup>Ha inū, metimai mā yumetsumisburā, hanū matū yumetsu henetā xinā betsa watā hanū matū mekenē daya xinābaū hamapai tibi dayakī pawarikāwē. Hanushū ha dabukū pashkashū yura nuitapaibu mā hatu inātirubuki. <sup>29</sup>Haska inū, ana hātsta txakabu yuiama hātsta pepawē besti hātstakī matunabu ana kuxipa wakī ikūhairawamakī merabewakī hatu benimawakubaīkāwē, habū matu nīkaiburā. <sup>30</sup>Haskakē habe matu hiwemakatsis ikī hamebi Deusū nai anu matu iyushanū, iwanā, hawenabu wakī matu unāti wakatsi matu ināni hawē Yushī Pepa ma hayarā, ana txakabukī hawē Yushī Pepa punu nukawayamakubaīkāwē. <sup>31</sup>Haska inū, harakirira matu txakabu wabu has xinaī mā amua nimis, inū mā pubēhairamis inū, mā sinatamis inū, mā kūyā itxakayamamis inū, sheti ikama mā ha imis inū, hamapai txakabu betsa betsapa matū

hashpa anua kaĩmistrã, matubunã, puta keyurikãwẽ. <sup>32</sup>Hakia maturã, mã pepakatsis ikairã, matunabuwẽ nui bestikubaĩkãwẽ. Hawara mã hatube txakabumis daenametã duanameirã, matũ txakabu hakimarabetã ana xinãma pepakubaĩkãwẽ, haska Cristõ matũ txakabu buanikẽ Deusũ ana xinaĩsma keskairã.

**5** <sup>1</sup>Matubu mã Deusũ bakebu kayabi pepabunã, haska Deusũ abuai haska besti txibãkĩ mawakubaĩkãwẽ. <sup>2</sup>Haska inũ, Cristõ nuku abukĩ Deus duawanũ ika Deusũ kupiti nuku bishuĩ mawai inĩti hawẽrua keska puekĩ Deus benimawanikẽ haska Cristo nuku ishuni keskariakĩ nukubetã ikũwaĩbu dasibibube nui abunamei hiwekubaĩkãwẽ.

<sup>3</sup>Hanushũ ikũwãbumã hatu ati wakĩ hawa txakabuki dakeama yuikĩ hamapawẽ kemuhairakubaini hiwemisbuki. Hakia matuburã, ana hatu keska hiweama haska ikũwaĩ hiweti betsahaira hiwekĩ txutanamebaũmisbukiri ana xinaĩ hãtxama inũ txakabu atimapa tibi ana xinaĩ hãtxamari inũ kemu paekiri ana xinaĩ hãtxama haska Deusũ hawenabu uĩkatsi ikai keska besti txibaĩ hãtxakubaĩkãwẽ. <sup>4</sup>Ha dikabi nukũ keshawẽ hãtxairã, ana dakewati hãtxa txakabu yuiama inũ, hãtxa hamapawẽ yuiama inũ, hãtxa tsua merabewatimawẽ ana hãtxama haska tibiwẽ hãtxa ana kaĩmama matũ keshawenã, Deus besti kẽwãkubaĩkãwẽ. <sup>5</sup>Ha inũ, txanima tsuabura haska dakeama hamapai tibibe txutanamebaũmisbu inũ, hawara atimapa tibi amisburã, Cristo inũ Deus shanẽ ibuaya hatube hiwetirubumaki. Ha inũ, tsuabura hamapawẽ kemumistrã, dami yushĩ itsa washũ kẽwãmisbu keskawẽ taea ha haskamisbu Cristo inũ Deusbe hiwetirubumariki.

### **Cristo txibaĩbu ma shabaki pesea keska hiwekũkaĩtikiaki, na hãtxarã**

<sup>6</sup>Tsuabũra matu beparãkĩ hamẽ matu yusĩkĩ paraĩburã, hatu nĩkayamakãwẽ. Tsuabũra Deus nĩkama hawa merabewatimakiri yusĩmisburã, Deusũ hatu kupitxakayamashanikiki. Uĩrakubaĩshãkãwẽ. <sup>7</sup>Ha inũ, hawara txakabuwaibube ana hatube dasiyamakubaĩkãwẽ. <sup>8</sup>Ha inũ, uatianã, nukũ Shanẽ Ibu unãkĩ ikũwãriama txakabui mexu merã ika keska mã hiwenibuki. Hamẽ eskatianã, Cristo ikũwaĩ haki dasitã matũ xinã maewatã mã betsahairawa mã ma shabaki pesea keska hiweabuki. Haska mã ma tapiã xinaĩ pe hiwekubaĩkãwẽ. <sup>9</sup>Ha shabapã nukũ xinã betsa wamatã nuku tapĩmai tsekekaĩkĩ mia imairã, nuku duapamai inũ, nuku kayatapimai inũ, nuku txani txakatimawaikiki. <sup>10</sup>Hawara Deusũ abuai unãtã heneama ashũkĩ benimawakubaĩkãwẽ. <sup>11</sup>Tsuabura mexu merã nia keskashũ txakabu xinãtã matu amakatsis ikaiiburã, hawa pe hayabumaki. Ana hatuki dasiama matuĩ hatu dakewakĩ shabakã kaĩma keska wakĩ shabakabi pepakiri hatu yuikubaĩkãwẽ. <sup>12</sup>Hawara txakabuhaira hune ikaiibu shabakabi yui daketiki. <sup>13</sup>Hatũ txakabukiri mã hatu unãmaya hawara hune txakabu betsa betsapawamisbu dasibibũ

shabakabi unātirubuki, ana haska washū hunetimarā. <sup>14</sup>Haskakē haska xinā betsa watirubu xinākī Deuskiri nawati yuikī:

“Txakabū matu tsumarā,  
mepamarikāwē.

Mā mawabiani hanū beniribirākāwē.

Matū txakabu mā heneaya

Messias Cristō hawē txashawē matu yusīkī matu unāmashanikiki”,  
ikaki.

<sup>15</sup>Haskakē matū hiwearā, uīrakāwē. Hawara mā akai txibaī pe bestikubaikāwē, unaīsmapamarā, hafia unānepairā. <sup>16</sup>Natiā txakabu betsa betsapa huaya menā manama matū hiwea pewarikāwē. <sup>17</sup>Haska inū, ana hawarawē unaīsmapama hawara nukū Shanē Ibū matu amakatsis ikai nīka pewatā haska xinaikiri tapirikāwē. <sup>18</sup>Haska inū, mā nushuti pae xarabu beya wanirā, hawē kemui xinā txākaī pe mekeama mā txakabumisrā, ha henetā natiā Deusū Yushī Pepa bestiwē kemukī nushukī akawakī mata wakī matū huīti benimai xinā txākākubaikāwē. <sup>19</sup>Eska tibi bestiwē yuikī kēwākubaikāwē. Mā hatubetā ikūwaībube Deuskiri nawati tibiwē nukū Shanē Ibu kēwai huīti hirabiwē benimawakubaikāwē. <sup>20</sup>Hawara mā haya inū hawara mā hayama Epa Deusū dasibi nuku ināmis xinākī yuikī: “Haska hamapai xarabu mī ea inaīwē taeshū ē mia kēwaiī”, akubaikāwē, nukū Shanē Ibu Jesus Cristō kena kuxipawē yuikinā.

### Haskai duanamekūkaītikiaki, na hātstarā

<sup>21</sup>Haska inū, Cristokiri pe xinākī mā duawakatsis ikairā, ikūwaību betsabube binunānākatsis ikama hatube yununānāma nīkakanākubaikāwē.

<sup>22</sup>Beneyabuū, matu yununū nīkakāwē. Nukū Shanē Ibū matu yunua nīkashū mā akai keska wakī matū benē matu yunua habebis yununamei hē iyamama ashūkubaikāwē. <sup>23</sup>Haska inū, Cristo mā ikūwaīburā, Cristorā, matū bushkaki. Maturā, mā hawē pabuki. Matū bushka matū mekenikaki. Habiaskari mā aību beneyaburā, matū benerā, matū bushkaki, hatū matu mekemisrā. <sup>24</sup>Haskakē nū Cristo ikūwaībū hawē yunua tibi nīkashū nū amis keska wakī matū benē hamapai mia yunua nīkashū aību tibitū matū beneri nīkasama hau hatu ashūriakubainūbūwē.

<sup>25</sup>Aīyābuū, maturi yununū nīkakāwē. Cristo habū ikūwāshanaibuwē nuikī abui hawē hiwea hatu ināni keska maturi matū aīwē nuikī parāma hatu abuhairakubaikāwē. <sup>26</sup>Cristō nuku haska wakatsi ikī nū hawē ikūwaību nuku mawashūkī hawena meribi txakabuma nū shūpinūbū hawē kakape nū ikūwaīwē taeshū nuku naximamisbuki. <sup>27</sup>Cristo habū nū ikūwaību pepahaira hawa detsis neama hawa tari txūpima ana hawa txakabu betsa tibi hayama nukū hiwea sheni henetā pepa meribi besti haska hatū besu

uĩkatsis ikikiki. <sup>28</sup>Habiaskariai hawẽ bene hawẽ aĩbe ketashameshũ abuirã, hawẽ yura keskawẽ taea hunibũ hatũ aĩwẽ hau nuikubainũbũwẽ. Haska xinãkinã, hatũmebi hatũ yurawẽ nui keskakĩ hatũ aĩ abukanikiki. <sup>29</sup>Tsuabũra hatũ yura danãma pimakĩ mekemis keska wakĩ habiaskari wakĩ Cristõ hawẽ ikũwaĩbu mekemiski, <sup>30</sup>hawẽ yurakenã. Nukuburã, ha yurakirã, nũ hawẽ pabu tibiki. <sup>31</sup>Haskawẽ taea haska huni inũ hawẽ aĩ yura bestitxai keskatikiri Moisés kenekĩ yuiki: “Haskawẽ taea hunĩ hawẽ ibubu dapashkabaĩ hawẽ aĩbe ketashametã ha dabe hiwei ana yura dabema yura bestitxai keskatiki”, hatu waniki. <sup>32</sup>Aĩyai inũ beneyai yura bestitxai keska hiwearã, mĩ tapĩtirurã, bikaki. Hakia habiaskariai Cristo inũ dasibi ha ikũwaĩbu haki dasia habiaskariki, Cristoki nũ haki dasia nũ yura bestitxai keskaburã. <sup>33</sup>Habiaskari wakĩ haska huni tibitũ hawẽ yura ibubis mekemis keska wakĩ hau hawẽ aĩ pe mekekĩ duawakubainũbũwẽ. Haska inũ, hatũ aĩnĩ hawẽ benẽ yunuai hau nĩkashũkubainũbũwẽ.

**6** <sup>1</sup>Bakebuũ, matu yununũ nĩkakãwẽ. Matũ ibubu nĩkatã hawẽ yunua ashũkubaĩkãwẽ. Haska wakĩ nukũ Shanẽ Ibu benimawakĩ mã kaneamakĩ. <sup>2</sup>Ha dukũ nuku yubakĩ Deusũ yununirã, eska hayaki: “Matũ epa inũ matũ ewa kẽwãkĩ duawakubaĩkãwẽ, <sup>3</sup>na mai anu benimai bari itxapa pe hiweyukũkaĩkatsis ikirã”, aniki.

<sup>4</sup>Bakeyabuũ, maturi yununũ nĩkakãwẽ. Matũ bakebu tapĩmakĩ hau matuki datei sinatayamanũbũ yunutzakayamakĩ nemahairayamakãwẽ. Hakia hiwea tapĩmakĩ Deusũ hãtxa tapĩmakĩ hawẽ yunuti hãtxa inũ hawẽ nemati hãtxa unãmakĩ pe yusĩkĩ haska nukũ Shanẽ Ibũ abumis keskawẽ hatu yumewakubaĩkãwẽ.

<sup>5</sup>Escravo dayarubuũ, maturi yununũ nĩkakãwẽ. Matubunã, matũ tsuma mai anuabuki datei dayai penũ, iwanã, hatu duawakĩ haska matu yunua nĩkatã txibãkubaĩkãwẽ. Haskakinã, Cristo duawakĩ mã akawaii. <sup>6</sup>Haskakẽ matũ tsuma pe dayashũkũ duawairã, hatũ berubi uĩai bestiwẽma hakia uĩyamarikẽ pe dayashũkubaĩkãwẽ, Cristõ dayarukĩ hawara hawẽ Epa Deusũ abumis haska xinaĩ ashũkinã. <sup>7</sup>Hawara daya mã akairã, txikixbetanã akama nukũ Shanẽ Ibu mã duawai keska akubaĩkãwẽ, yurabu uĩmakĩ ashũamarã. <sup>8</sup>Tsuabura escravo inũ escravoma mã dayamiswẽ taeshũ haratura mã pe dayamis inũ txikixi mã dayamis matu tibi unãshũ nukũ Shanẽ Ibũ matu manakushanikiki.

<sup>9</sup>Yununikabuũ, maturi yununũ nĩkakãwẽ. Habias Shanẽ Ibu nai anuatũ yura dasibi unãkĩ yununikabu inũ matũ tsumaburi habiaska dabeswẽ nuikĩ matu kupimistũ shanẽ ibu inũ shanẽ ibuma ha dabe habias senẽ xinãmiski. Haskakẽ matũ dayarubu pe mekekĩ ana hatu kũyã akama ana miki hatu datewama pewẽ besti hatu yunukubaĩkãwẽ.

### **Ikũwaĩbu soldadobu keskaĩ kuxipakũkaĩtikiki, na hãtxarã**

<sup>10</sup>Ë betسابu inũ ã puibuũ, nukũ Shanẽ Ibũ kuxipa paepa mã hayarã, hawẽ kuxipai ewakãwẽ. <sup>11</sup>Deusũ hawẽ mia mekeai nemati kuxipa

bikāwē. Ha hayatā mā txītuāmakē diabo Satanásā matu parātirumaki. <sup>12</sup>Na haska nū hatube detenameirā, yurabū kuxipawē nū ikai keskamaki. Hafia yushī txakabubu inū hamapai shanē ibu txakabu na mai anua inū manaūri namakishū nuku keshebaūshū yunuaitū nuku atxiabube nemai heē iyamai nū hatube detenamei keskaii. <sup>13</sup>Hanushū Romano soldadobukiri matu xināmanū nīkakāwē. Detenamei bui tsakanamenikabu txītūkatsi ikama hawē meketi mabu kuxipa tibi sawe keyutā detenamei bumisbuki. Haska keskariai matūri diabo Satanás nemai heē iyamai unānepakatsi dasibi Deusū kuxipa hayai keyutā matu bikawaibutiā txītuāma maemai kuxipakubaīkāwē.

<sup>14</sup>Hanua hātxa txanima besti yuikī hawa dateama mestēwākāwē. Haska wai nū pe hiweabu Deusū nuku mekekubaīmiski. <sup>15</sup>Matunā, Deusū hātxa kakape unānuma hiwetikiri mā yusī bukatsis ikaiburā, bebūkiri matū hiwea pewakubaīkāwē. Haska wakī mā ma pewa haska soldadobu detenamei bunū, iwanā, bebūkiri hawē bitxi tae sawemis keska wakī kakape yuibaūkī Deuski sinataibu mā maematirubuki. <sup>16</sup>Haska inū, Deus ikūhairawakubaīwē. Nū haskawaya soldadobū hatū hi besha turuwē hatū yura hunemis keska wakī Deuski sinataibū hatū txakabuwē nuku binupaiabu nukū nū nematiruki. <sup>17</sup>Deusū nuku mekemisrā, soldadobū hawē mane maiti sawea hawē mekemisbu nukuri nū haska keskaki, Deuski sinataibū hau nuku parāyamanūbunā. Haska inū, Deusū hātxa tapīhairakubaīkāwē. Hawē hātstarā, nupe txaipa hawē detenameti keskaki. Hawē Yushī Pepatū nuku merabewaya ha Deuski sinataibu nū hawē nematiruki. <sup>18</sup>Matubunā, Deusū Yushī Pepatū matu xināmaya Deusbe hātshakī hatu yukashūkī hatu ea ashūkī heneyamakubaīkāwē. Haskai hawa punu nukama inū babuama beru mestēwātā hiwekubaīkī ha dikabi Jesus ikūwaību dasibibu Deus yukashūriakubaīkāwē. <sup>19</sup>Eska ē matu yukaii. Hau Deusū ea merabewakī hari hātshaxi ea inākī inū ē hātsha ea kuxipa waya haskawē taeshū haska Deusū uatiā huneni shabakabi hawē bakekiri ē hatukiri txanikūkaīnū ekiriri Deus yukashūkubaīkāwē. <sup>20</sup>Haska inū, Deusū ea katushū hawē kuxipaya hātshashunika ea wani ē hawē kakape yusībaūmiswē taeshū habū nenu ea iweimashū ea bitxikī akawaimabu nenushū ē bika tenebiakī hawa dateama nukū Shanē Ibukiri hātshaxi ē txanikūkaīnū ea Deus yukashūkāwē.

#### Hawē henea nuiti hātshaxiaki, na hātstarā

<sup>21</sup>Ē haskarara hau matu anu kashū ekiri matu unāmai txani kashanū, iwanā, nukū Shanē Ibwē taea nukū betsa Tíquicō, ikūwaī txītuīisma habiatūri nukū Shanē Ibū daya ashūkī nuku merabewamis matu anu ē nitxiaiī. <sup>22</sup>Haskawē taeshū haska matuki txanikī nenu ebe maniabu inū ekiri hātshakī hau matu xinā txākāwaī kanū nukū haibu matu anu ē nitxiaiī.

<sup>23</sup>Nukū Epa Deus inū nukū Shanē Ibu Jesus Cristo mā habū ikūwaību haska tibi habu haya matu inā bikubaīkāwē, ikūhairawakinā, ikūwaību betsabuwē nuikinā, unānuma hiwekūkaīkinā. <sup>24</sup>Haska inū, tsabūra nukū Shanē Ibu Jesus Cristo abukī betsa waisma hau Deus hatuwē nuikī duawakubainūwē.

Hatiski, ē hātxarā.

Paulo